

Arubadag 2013 lo wordo celebra na Nieuwegein

DIADOMINGO 24 di maart venidero e comunidad Arubano residencia na Hulanda lo celebra Dia di Himno y Bandera en grande den Home Boxx na Nieuwegein.

“E preparacionnan pa e celebracion di Arubadag 2013 ta canando manera

mester ta. E siman aki comision lo caba cu e ultimo detayenan cu falta pa asina por brinda e comunidad Arubano residencia na Hulanda un bes mas un bunita celebracion di dia di Himno y Bandera.” asina directora suplente di Cas di Aruba Sra. Shandra John a bisa.

Home Boxx den e ciudad di Nieuwegein ta un localidad

hopi moderno unda diferente evenemento grandi ta wordo teni. E aña aki a dicidi pa celebra Arubadag 2013 na Nieuwegein, como cu Nieuwegein ta un di e ciudadnan hopi central den Hulanda y facil pa yega for di e diferente otro ciudadnan.

E hal aki ta uno es-pacioso y ta hopi ac-

cesibel. No solamente pasobra e ta situa banda di autopista, pero tambe door di e bon conexion cu transporte publico.

Entrada general lo ta €13 den pre benta pa carchi y ta obtenibel sea via website www.arubadagviering.nl of na Cas di Aruba. Na porta e carchinan lo wordo bendi pa €18. Muchanan te cu 12 aña ta paga solamente €3 y esaki ta inclui acceso liber na e Kids Corner.

E parti cultural ta plania pa cuminsa 12.00 di merdia cu canto di nos Himno y Bandera door di Monica Pulido acompaña pa Bryan van Putten. Sigui pa diferente discursonan di entre otro nos Minister Plenipotenciario Sr. Edwin Abath, Minister Plenipotenciario di Curaçao Sr. Roderick Pieters, Minister Plenipotenciario di Sint Maarten Sr. Mathias Voges, Minister di Relacionnan Interno y di Reino Sr. Ronald Plasterk y nos Minister President Sr. Mike Eman. Banda di e diferente discursonan den e parti cultural lo tin presentacion musical di Rey

di Dande Eric Ras y su conhunto, Trio Huasteca y Caribbean Punch with old Calypsonians y Xanadu Dancers kende lo anima e publico cu nan baile. Pa 2.00 pm lo start sali cu e parti festivo cu presentacionnan di entre otro Alain y Dane Clark, Datapanik, Oreo, Le Groove y Robert y su Solo Banda Show hunto cu e Rey di Tumba Jeffrey Kelly.

Manera custumber lo bay tin un bar y cushina bon surti consistiendo di diferente stands cu platonan crioyo y cosnan dushi.

Sra. John kier a gradici e miembronan di Comision Arubadag y tur esunnan cu di un forma of otro ta contribuyendo pa haci e celebracion aki uno excelente. “Di awo caba mi kier a felicita e pueblo di Aruba ariba dia di nos Himno y Bandera y ta invita e comunidad Arubano residencia aki na Hulanda pa bin celebra manera un famia grandi dia 24 maart den HomeBoxx na Nieuwegein”, Sra. John a termina bisando.

